

*Comision instala pa sondea posibilidad reapertura***Ta pospone continuacion desmantelacion di Valero te cu fin di aña**

ORANJESTAD - For di mocionnan den parlamento pa wak si tin posibilidad di pospone cualkier actividad di "repurposing" of desmantelacion di Valero por bisa cu despues di deliberacion cu Valero tin comprension y ta muestra cu te cu pa fin di aña ta muestra cu lo para tur e actividad aki, minister en-carga cu asuntonan eco-

nomico Mike de Meza.

Gobierno ta sigui traha tur dia pa mira kico ta e posibilidadnan y ta purba tene contacto cu companianan cu a tuma contacto cun'e den pasado tambe. Y a lanta un comision cu diferente persona cu di un manera of otro a forma ta interesa pa forma parti di un comision asina y cu a forma parti di refineria y

cu a muestra nan mes disponibles y a cuminsa pensa riba posibilidad, sr. De Meza a bisa.

Miembronan di e comision

"Algun persona cu mi kier a menciona ta Alvin Koolman, cu ta un persona cu hopi conoci den e tereno aki y ta un Arubiano cu di mas conocimiento y experiencia den e ramo di petroleo. Tambe un persona cu a expresa interes ta Milton Berlinski pa traha den un comision asina aki pa Aruba e ta conoci den e mundo economico y financiero y tin compania reconoci. Jacobo Geerman a traha hopi aña den El Paso, Lago Coastel y Valero y ta conoci ora ta papia di refineria.

Frank Hoevertsz director di Utilities ta uno conoci tambe, Philip de Souza cu ta na Trinidad actualmente yudando diferente compania cu ta traha den e refinerianan. E tabata director di mantenimiento y "turn around" tempo di Valero y el a traha cu Lago. Un otro persona cu a tene contacto cun'e ta Jan-Meinte Postma cu pa e ultimo 5 añanan a yuda Aruba y region pa mira posibilidadnan di e refineria. Tambe abogado Johan Sjiem - Fat, como abogado di e pais ta forma parti di esaki."

Trabou

Trabou di e comision ta pa studia y wak potencial inversionistanan lastimamente e conclusion no tabata positivo y semper tabata dificil, mirando imagennan cu local cu mester tin pa por beneficia di e refineria. Segun sr. De Meza esaki ta e 7 hendenan pero no ta limita na e 7 hendenan aki pero ta e 7 nan cu aworaki a bisa cu nan kier yuda den e comision aki. "Den medionan di comunicacion sa mira speculation eroneo y mi mester bisa cu gobierno di Aruba semper a purba y ta kere cu por haya operador nobo pa e refineria, sin embargo mester ta realistico riba e limitacionnan tin y local ta tumando luga riba nivel nacional. Ohala den e lunanan cu ta bin nos dilanti



lo por haya un interesante, e gabinete aki lo ta mas cu dispuesto pa sinta cu nan y pasa riba e diferente negociacionnan cu mester tin pa wak si ta logra haya un operador responsabel y cu financieramente lo por carga e transaccion di dicho magnitud cual ta costa minimo di algun 100 milyon di dollar, sin cumpri crudo." Mas cu esaki mester un compania cu por carga esey y crudo tipico cu por rafina den e refineria aki. Pues gobierno ta trahando riba esaki, riba e ultimo intentonnan pa reapertura di e refineria y den caso cu esaki no logra ta indicacion cu mucho mas no por wordo haci, e mandatario a splica.

Nelson English

Scuchando e nombrenan cu sr. De Meza a menciona a tuma nota cu experto Nelson English no ta den e comision aki. Sr. de Meza a splica cu el a tuma contacto cu sr. English mas cu 3 luna pasa y e mes a acerca sr. English ora cu niun otro no a haci esaki. Den esaki a combersa y a splica e retonan cu tin pues no tin nada cu sr. English no sa den e situacion aki. Tin hopi Arubiano cu sa tambe manera algun ariba menciona sr. Koolman. A puntra sr. English si e tin acceso na inversionistanan cu lo ta interesa y sr. English a bisa cu probablemente e lo por tin, consecuentemente a notifica cu nos lo ta interesa den papia cu nan na dado momento.

El a keda di haci esaki pero despues lastimamente a presenta un discusion publico y te dia di awe no a haya ningun inversionista di su parti cu a demostra di ta interesa. "Nos tin Arubiano, local nan cu por haci e evaluacionnan aki y tur hende cu ta kere cu nan por haya inversionista of contribui, nan ta mas cu bon

bini pa yuda busca inversionistanan," sr. De Meza a bisa.

Situacion PDVSA

Ta asina cu PDVSA prome caba cu a drenta gobierno tabata purba tene contacto cu nan pa yega nan un joint partner na 2009 despues di esaki tabatin diferente comunicado y a anda team di experto varios biaha na Aruba. A manda carta pa presidente di Venezuela, Presidente di PDVSA y minister di energia na Venezuela. Tempo di Petro China tambe tabatin contacto cu e presidente e tempo ey unda cu a muestra interesa pero nunca a conclui den algo positivo.

E refineria masha dificil por tin e refineria ta opera sin cu tin crudo Venezolano, Mexicano, Colombiano of crudo Brasileiro, e mester ta un crudo pisa si no tin esaki no ta uza e refineria optimal cual ta traduci den perdida di placa y no ta viabel. Segun sr. De Meza a bolbe tuma contacto cu Mexico pero nan no ta interesa den e refineria.

Nan ta bisa cu bo por cumpri e crudo pero lo no haye na un prijs preferencial y hopi di nan crudo ta bay India y China entre otro. Antes ('94) a base di un prijs preferencial, tabata procesa por lo menos 100 mil bari di e crudo Mexicano pa dia, esaki no ta e caso mas. Colombia a inverti den dos refineria grandi mas cu 7/8 bion dollar y tur crudo ta wordo uza pa nan refineria.

Brasil a laga sa cu ta bendiendo tur cos internacional y ta construyendo refineria eyan pues lastimamente no ta interesa den Aruba. Venezuela cu tin interes ainda den Aruba no a conclui den resultado positivo y ta keda kere den esaki teniendo contacto riba nivelnan halto, sr. De. Meza a termina. □